

Sa Nou Ajoute nan Liv Enfòmasyon Paran/Elèv 2020-2021
Lekòl Leta Miami-Dade County
Règ ak Pwosedi sou 'COVID-19' pou Modèl Enstriksyonèl nan Bilding Lekòl

Pandan li deklare ijans sou sante, Distri a pral enplemanste règ ak pwosedi ki konsistan avèk gid ki aplikab avèk "Centers for Disease Control and Prevention (CDC)" (Sant pou Kontwòl ak Prevansyon Maladi) ak "Florida Department of Health (FDOH)" (Depatman Sante Florid). Anplis, jan li aplikab, Distri a pral konsilte avèk pwoteksyon depatman sante lokal yo e l ap respekte règleman yo. Obligasyon ak pwosedi Distri a etabli an repons ak yon ijans ki afekte sekirite sante ak byennèt elèv ak anplwaye nou yo e yo pral pran priyorite sou pwovizyon Liv Enfòmasyon Paran/Elèv la lè li nesese e jiskaske ijans la fini. Akoz sikonstans ki gen rapò ak ijans sante piblik COVID-19 la, Lekòl Leta Miami-Dade County ka bezwen korije oubyen sispann fonksyonman an pèsòn kèk kote li chwazi pou pwoteje sante ak sekirite elèv, anplwaye ak fanmi yo. Silvouplè ale sou <http://reopening.dadeschools.net/index.html> pou jwenn enfòmasyon ki ajou konsènan plan reouvèti Distri a. Pwosedi ak machasiv k ap suiv yo aplikab pou prezans elèv nan bilding lekòl yo pandan Etap II reouvèti a.

Fason Pou Konpòte Lè Nou Rive Lekòl La Nan Etap II

Ti moun, paran ak vizitè toujou oblije kenbe pi gran distans sosyal posib le yo rive lekòl la. Pèsòn pa dwe reyini an gwoup ki gen anpil moun.

South Dade Middle (SDM) ap itilize plizyè kote pou moun antre. Gwoup elèv ki gen bezwen espesyal yo ap pase nan antre ki nan zòn Sid la. Gen moun kap la pou dirije yo pou yo ale nan kafeterya pou dejene. Apre sa pou yo ale nan lòt espas elvè ak kafeterya.

Elèv klass mwayen yo ap pase nan antre prensipal la, epi gen moun kap dirije yo pou yo ale nan kafeterya, apre sa yap dirije yo pou ale nan lakou ak zòn edikasyon fizik la. Elèv klass elemantè yo ap pase nan antre Nò a, gin moun kap dirije yo pou ale nan kafeterya kote yap rete pandan tou moman dejene a.

Lè timoun yo rive, gen anplwaye lekòl la k ap sipèvizè yo. Direktè lekòl la ap sipèvizè elèv klass mwayen yo nan lakou a ansanm ak lòt anplwaye. You sansè ap sipèvizè kafeterya ansanm ak lòt anplwaye.

Anplwaye yo chwazi pou fè sa, ap asiste paran yo kote yap depoze timoun yo, pou asire distans sosyal epi pou dirije timoun yo kote yo dwe antre a. Anplwaye yo chwazi pou fè sa ap veye antre Sid la pou asire distans sosyal, epi dirije elèv yo kote yo dwe antre. You sansè ansanm avèk yon lòt moun yo chwazi ap veye zòn timoun yo rive a pou asire ke tout elèv ale kote yo dwè ale, epi pou asire ke elèv klass mwayen yo ale nan zòn edikasyon fizik la ke yo itilize lè lakou a pa ka pran lòt timoun ankò.

Fason Pou Konpòte Lè Lekòl Lage Pandan Etap II

Ti moun, paran ak vizitè toujou oblije kenbe pi gran distans sosyal posib le yo rive lekòl la. Pèsòn pa dwe reyini an gwoup ki gen anpil moun. SDM pap lage tout elèv you sèl kou pou asire distans

sosyal epi evite gen twòp moun ansanm. N ap enkouraje paran elèv klass mwayen yo pou pake machin yo bò kote pak la sou lòt bò lari a pou timoun yo kapab itilize wout a pye ki make a pou ale nan machin paran, ak kenbe distans sosyal epi evite gen twòp moun ansanm. Elèv ki sèvi ak transpò piblik ap rete nan kafeterya lè bus yo an reta. Fason yo chita nan kafeterya respekte distans sosyal yo mande a. Elèv paran yo pa vin chache a lè ap anba sipèvizyon anplwaye ak sekirite lekòl la pou asire ke yo respkte distans sosyal ke yo mande a. Elèv sa yo y ap dirije yo nan lakou a ak nan zòn edikasyon fizik la pou evite gen twòp moun ansanm nan kafeterya. Tout administratè ak lòt anplwaye ap ede pou timoun yo ale lakay yo an byen.

Dejene/ Manje Midi Pandan Etap II

Pou dejene, gwoup elèv ki gen bezwen espesyal yo ap pase nan antre ki nan zòn Sid la. Gen moun kap la pou dirije yo pou yo ale nan kafeterya pou dejene. Apre sa pou yo ale nan lòt espas kole ak kafeterya. Elèv klass mwayen yo ap pase nan antre prensipal la, epi gen moun kap dirije yo pou yo ale nan kafeterya, apre sa y ap dirije yo pou ale nan lakou a ak zòn edikasyon fizik la. Elèv klass elemantè yo ap pase nan antre Nò a, gen moun kap dirije yo pou ale nan kafeterya kote y ap rete pandan tout moman dejene a.

SDM ap bay manje midi pandan kat diferan peryòd pou ogmante distans sosyal la plis posib. Yo retire tab kafeterya yo epi yo ranplase yo ak biwo elèv yo ak kat pye distans pou piti. Elèv yo ap genyen yon lè fiks pou y al manje dapre klass y ap fè. Elèv yo ap sèlman pran manje a yo ale, epi gen anplwaye kap dirije yo pou evite pa gen twòp moun ansanm ak pou asire distans sosyal la. Gen de anplwaye kafeterya kap pase nan biwo elèv yo pou pran nimewo idantifikasyon elèv yo lè yo fin chita.

Swen Anvan/ Apre Lekòl Pandan Etap II

SDM pa gen yon pwogram swen apre lekòl.

Tranzisyon Lekòl

Tout Lekòl MDCPS yo mete pwosedi an plas pou limite gwo rasanbleman an gwoup. Yo Mete siy atravè chak kanpous pou raple elèv sa yo ap atann pou pwomouvwa anviwònman ki gen plis sekirite posib. Lè tranzisyon ant salklas nesese, lekòl yo devlope yon plan pou koulwa ki gen swa yon liy oubyen de (2) liy dapre planifikasyon ak bezwen lekòl la. Anplwaye lekòl la pral siveye tranzisyon yo pou asire elèv ap kenbe distans sosyal maksimòm ak kouvèti pou vizaj. Paran ta dwe raple elèv yo sou nesese pou yo an konfòmite avèk pwosedi lekòl la pou asire sekirite yo ansanm ak sekirite kamarad yo.

SDM pral itilize mouvman trafik de-fason pandan tranzisyon yo. Ranvwa nan klas yo pral repati pou asire distans sosyal. Twalèt yo ap fèmen pandan tranzisyon yo pa anplwaye sekirite ak gadyen ki asiyen nan chak etaj pou evite twòp moun nan espas ki fèmen. Anplwaye ap asiyen nan chak etaj sou baz ka pa ka. Anplwaye Lòt yo te asiyen nan tout bilding lan pandan tranzisyon pou ede kenbe distans sosyal epi evite twòp moun. Chak maten, anons yo pral fèt pou raple elèv yo ak anplwaye règleman etikèt yo pandan tranzisyon yo.

Anplwaye antretyen lekòl yo pral fè netwayaj woutin nan anviwònman an oubyen netwayaj regilye pou majorite sifas yo. Nou ajiste pwosedi sou netwayaj lekòl yo pou ogmante frekans netwayaj nan kote moun manyen anpil avèk dezenfektan yo sèvi nan lopital pandan tout jounen an. Nan fen chak jounen, ekip netwayaj la pral dezenfekte tout kote nan kanpous la an preparasyon pou pwochen jounen aprantisaj la.

Obligasyon pou Rapòte Sentòm yo

Si yo dyagnostike nenpòt moun nan kay elèv la avèk COVID-19, paran/gadyen an dwe rapòte lefètke moun nan kay la ekspoze a maladi a bay lekòl la (yo). Lekòl la pral konsilte avèk depatman sante piblik pou evalye ki prekosyon yo ta dwe pran, ki gen ladan men ki pa limite a, mande elèv la rete lakay pou li pa vin lekòl pandan katòz (14) jou pou yo ka pwoteje kominote lekòl la. Sa se yon prekosyon, e lekòl la pral travay avèk ou pou kenbe elèv ou a angaje e ajou sou tout devwa lekòl la nan mezi li posib pandan peryòd katòz (14) jou a.

Depistaj Sante Anvan Elèv Rive Lekòl Chak jou

Anvan yo rive lekòl la nan maten, elèv ak paran yo ta dwe evalye si elèv la gen nenpòt sentòm COVID-19. Kounye a, sentòm sa yo gen ladan: yon fyèv plis pase 100.4 degre 'Fahrenheit'; tous; souf kout oubyen difikilte pou respire; fatig; mis oubyen kò fè mal; tèt fè mal; fèk santi w pa ka pran gou oubyen pran sant; gòj fè mal; nen bouche oubyen nen koule; noze oubyen vomisman; oubyen dyare. Si yon elèv devlope nenpòt nan sentòm sa yo, yo ta dwe rapòte sa nan lekòl la e diskite sou sa anvan elèv la retounen lekòl.

Pandan Distri a pap fè tchèk tanperati nan lekòl la nan moman sa a, lekòl la pral konte sou elèv, anplwaye, ak fanmi yo pou rapòte enfòmasyon egzak pou sekirite tout lòt fanmi ki afekte atravè Distri a.

Tout enfòmasyon nou bay ap rete konfidansyèl jan lalwa mande li, eksepte lè li nesèsè pou avize oubyen pwoteje anplwaye ak lòt elèv yo de transmisyon viris la.

Si ou gen sentòm oubyen yo dyagnostize ou avèk COVID-19, oubyen yon lòt manm nan fanmi an ki rete nan kay la teste pozitif pou COVID-19, elèv ou a ka oblije rete lakay jiskaske yo ka teste li oubyen li resevwa otorizasyon medikal ki endike yo pa gen COVID-19 e yo ka retounen lekòl an sekirite.

Sa Nou Atann de tout Elèv Pandan yo Lekòl

An Jeneral:

1. Rete lakay si w malad.
2. Dezenfekte men ou avèk dezenfektan pou men ki gen omwen 60% alkòl lè w antre nan bilding nan.
3. Lave men ou souvan oubyen sèvi avèk dezenfektan pou men ki gen omwen 60% alkòl si savon ak dlo pa disponib.
4. Evite manyen vizaj ak zye.
5. Lave/dezenfekte men ou aprè ou fin manyen oubyen retire kouvèti pou vizaj ou.

6. Limite sèvi ak objè tout moun sèvi, tankou ekipman edikasyon fizik, ekipman ki sou teren jwèt, materyèl ar, bagay pou jwe ak jwèt. Yo ap netwaye objè yo pataje aprè yo fin sèvi ak yo.
7. Pote pwòp boutèy dlo ou avèk dlo. Yo ap fèmen fontèn dlo yo e yo ap mete disponib estasyon idratasyon pou ranpli boutèy.
8. Suiv tout direksyon pwofesè oubyen administratè yo bay pou sekirite kominote lekòl la. Li espesyalman enpòtan pou elèv rete nan salklas ak espas yo

Kouvèti Vizaj ak Distans Sosyal:

1. Tout moun dwe kenbe distans fizik nan nivo maksimòm otan li posib selon sikonstans yo.
2. Tout moun dwe mete kouvèti vizaj ki kouvri bouch ak nen yo lè yo sou pwopriete komisyon konsèy lekòl la, nan yon aktivite komisyon konsèy lekòl, oubyen lè yo monte yon otobis oubyen lòt transpò ki apwouve. Yo atann pou elèv ak timoun ki gen plis pase dezan vini lekòl chak jou avèk pwòp kouvèti vizaj yo. Sepandan, kouvèti vizaj bon kalite pral disponib pou distribiye bay elèv an ka yon ijans pou redui sitiyasyon difisil kote li nesesè. Elèv responsab pou pwòp afè yo e yo ta dwe mete kouvèti vizaj yo yon kote ki apwopriye. Si pitit ou bezwen yon kouvèti vizaj, silvouplè kontakte direktè lekòl pitit ou a.
3. Kouvèti vizaj dwe fèt ak pou pi piti yon moso twal ki double e li dwe sere ase pou kouvri nen ak bouch. Kouvèti vizaj pa ta dwe gen ladan okenn kalite vav pou rekspire oubyen kouvèti oubyen mask ki fèt pou degizman.
4. Li rekòmande pou gen de (2) kouvèti vizaj disponib chak jou an ka yon kouvèti vizaj vin pa bon pou sèvi. Nan okenn ka yon elèv pa dwe pataje oubyen echanje kouvèti vizaj. Pou aprann plis sou kouvèti vizaj ki apwopriye pou itilize nan lekòl yo, silvouplè revize paj 28 ak 29 *Gid Reouvèti Distri a* [Reopening Guide-English](#)
5. Tout kouvèti vizaj elèv yo dwe satisfè demand *Règleman Konduit Elèv ak Règ 5511*, *Règleman Abiman ak Inifòm Lekòl*. Kouvèti vizaj se abiman/aksèwa e yo pa dwe gen ladan yo mesaj oubyen foto eksplisit, vilgè, ki gen rapò ak dwòg, gang, oubyen yo pwovokatif. Nou estrikteman entèdi kouvèti vizaj ki gen ladan langaj ki pa apwopriye moun ka pèsevwa kòm ofansif, denigran, menasan, oubyen entimidan. Kontinye ekspoze kouvèti vizaj sa yo pral oblije nou pran mezi disiplinè jan yo defini li nan *Règleman Konduit Elèv la*.
6. Lè ou efize mete kouvèti vizaj aprè ou resevwa lòd nan men yon moun ki gen otorite sa pral reprezante yon mepri pou pèsònèl lekòl la e/oubyen yon konpòtman endisiplinè dapre *Règleman Konduit Elèv la*. Kontinye refize obeyi ka lakoz yo asiye yon elèv nan aprantisaj sou entènèt oubyen a distans. Direktè lekòl la dwe pa konsekan konsidere andikap nan devlopman laj ak devlopman entelektyèl, ak konpòtmantal, jan li apwopriye.
7. Elèv ki ap patisipe nan aktivite andeyò lekòl, tankou atletik, pèfòmans mizikal oubyen teyatral, kote mete kouvèti vizaj yo pa pratik oubyen li ka kreye yon risk sou sante, pwofesè, antrenè, oubyen konseye yo ka fè yo konnen kilè yo ka retire kouvèti vizaj yo pandan aktivite tankou naje oubyen aktivite ki trè entans kote respirasyon ka difisil. Sepandan, elèv dwe kontinye suiv distans sosyal maksimòm ak lòt pwoseki sekirite ki an plas pou aktivite a e yo dwe remete kouvèti vizaj yo lè yo mande yo fè sa.

8. Moun dwe mande direktè lekòl la dirèkteman pou dispansse yo de itilizasyon kouvèti vizaj yo. Yo ap oblije bay dokimantasyon ki sipòte nenpòt dispansasyon. Elèv ki gen difikilte pou respire, oubyen ki gen pwoblèm sansoryèl ki soti nan yon pwoblèm medikal oubyen sikolojik ki dokimante, oubyen elèv ki gen pwoblèm kominikasyon e ka oblije pou pwofesè oubyen founisè sèvis la wè bouch yo, ka mande direktè a yon dispansasyon. Si li apwopriye, yo ka mande yo pou mete yon kouvèti vizaj oubyen yon pwotèj vizaj ki transparan. Pwotèj vizaj yo dwe kouvri toude kote vizaj moun ki mete li a e li dwe pwolonje anba manton an. Dokimantasyon nan dosye a dwe soti nan men yon founisè medikal a e yon anplwaye dwe revize l anvan yo ka eskize yon elèv de egzijans kouvèti vizaj sa a.
9. Yo pa ta dwe egzije yon moun ki enkonsyan, enkapab, oubyen ki otreman pa kapab retire kouvèti vizaj a san asistans mete yon kouvèti vizaj.

Lè Elèv Malad nan Lekòl

Si yon elèv tonbe malad oubyen li genyen sentòm COVID-19 pandan li lekòl, yo ap separe elèv la ak lòt elèv e anplwaye e yo ap mete li nan yon espas yo deziyen e idantifye kòm Sal Izolasyon lekòl la. Pandan li nan Sal Izolasyon an, yon anplwaye lekòl ap siveye elèv la. Yon paran oubyen gadyen dwe vin chèche elèv la aprè yo premye idantifye maladi a. Distri a pral kontakte paran/gadyen yo e, si nesèsè, moun ki sou lis kontak ijans elèv la. Yo pral enfòmè paran/gadyen e/oubyen moun ki sou lis kontak ijans la sou enpòtans pou yo vin chèche elèv la pou sekirite elèv la ak lòt moun.

Retounen Lekòl

1. Elèv ki jeneralman motre sentòm maladi ki pa gen rapò ak COVID pral bezwen rete lakay jiskaske yo pa gen sentòm yo san yo pa pran medikaman pandan 24 èdtan.
2. Yo mande elèv ki prezante avèk sentòm ki sanble ak COVID, **men ki pa genyen yon kontak COVID yo konnen**, pou rete lakay jiskaske yo resevwa yon tès negatif pou COVID OUBYEN yo pa gen lafyèv san yo pa pran medikaman pandan 24 èdtan E sentòm yo amelyore.
3. Yo mande elèv ki prezante avèk sentòm ki sanble ak COVID, **men yo gen yon kontak COVID yo konnen**, pou rete lakay yo jiskaske yon pwofesyonèl medikal ba yo otorizasyon pou soti nan izolasyon oubyen karantèn E yo pa gen lafyèv san yo pa pran medikaman pou 24 èdtan E sentòm yo amelyore.

Paran ak Lòt Vizitè

Pou anpeche pwopagasyon COVID-19, yo ap limite e kontwole aksè pou vizitè nan direksyon lekòl la. Yo pa pèmèt vizitè antre nan bilding distri yo anban kondisyon ki ap suiv yo:

1. Moun nan gen sentòm ki ap suiv yo: yon tanperati 100.4 degre oubyen pi wo; souf kout; tous; pa ka pran gou oubyen pran sant; misk fè mal; feblès; frison; noze; vomisman; oubyen lòt sentòm COVID-19;
2. Moun nan teste pozitif pou COVID-19;
3. Moun nan ekspoze a yon moun ki gen sentòm COVID-19;
4. Moun nan ekspoze a yon moun ki teste pozitif pou COVID-19.

Venpòt vizitè yo pèmèt antre nan bilding Distri yo ka pase yon depistaj, yo dwe mete yon kouvèti vizaj e yo dwe aplike e konfòme yo ak tout machasuiv ki nan [MDCPS Reopening Website](#), 'CDC', 'FDOH', ak machasuiv depatman sante lokal yo.

AKSEPTASYON SA NOU AJOUTE NAN LIV ENFÒMASYON PARAN/ELÈV LA

Non Elèv la

#Idantifikasyon Elèv la

Lekòl

Klas Prensipal

AKSEPTASYON

Mwen li sa yo ajoute nan Liv Enfòmasyon Paran/Elèv 2020-2021 an. Mwen dakò pou m aplike egzijans sa yo, ansanm ak lòt machasuiv Distri ki aplikab yo, e mwen konprann yo ka chanje egzijans sa yo. Nan yon efò pou m pwoteje tèt mwen ak fanmi mwen kont maladi kontajye, espesifikman COVID-19, mwen ap aplike egzijans sa yo.

Mwen espesifikman konprann, se responsablite pèsònèl mwen pou m asire anvan mwen antre nan yon otobis lekòl oubyen mwen rive lekòl, mwen pran swen pou m evalye sentòm pitit mwen ka genyen, pou m pran tanperati pitit mwen, e asire pa gen okenn aparans maladi ki ka oblije pitit mwen rete lakay pou l pa ale lekòl. Mwen aksepte se responsablite mwen e pou sekirite kominote lekòl mwen, mwen dwe konfòme m ak règ sa yo.

Siyati Elèv la

Dat

Siyati Paran/Gadyen an

Dat

Lekòl Leta Miami-Dade County